

ADYAYA I

PURWAKA

1.1 Dadalan Pikobet

Basa Bali inggih punika silih sinunggil basa daerah utawi sane kabaos basa Ibu. Aksara Bali inggih punika sinilih tunggil aksara *daerah* sane wenten ring wewengkon panegara Indonesia. Aksara Bali madue kawigunan pinaka piranti sane kaanggen nyuratang sakancan pikobet ngenenin indik adat, agama, miwah sakancan pikobet ring kahuripan. Aksara Bali patut stata nguratiang uger-ugernyane. Uger-uger aksara Bali punika yening ring basa Indonesia kabaosin pasang aksara Bali, *ejaan* puniki madue *aturan* rikalaning nyurat suara basa, kruna, miwah lengkara sane madue pralambang sane patut (KBBI Daring, 2018).

Manut ring awig-awig wewengkon No. 3 Tahun 1992 maosang indik aksara Bali kadadosang paplajahan wajib ring pendidikan dasar ngantos menengah. Parindikan punika kauratiang olih Pemerintah Indonesia indik kawentenan basa miwah aksara daerah sane kaunggahang ring UU No 5 tahun 2017 ngenenin indik panglimbak kabudayaan sane ngwiaktiang indik basa miwah aksara daerah pinaka aset kabudayaan nasional sane kapagehang dados silih sinunggil objek panglimbak kebudayaan bangsa miwah kontribusi budaya Indonesia ring aab jagate mangkin. Antuk punika basa daerah dados basa Bali pinaka basa Ibu ring Bali, mapaiketan sareng pelestarian basa, aksara miwah sastra Bali sane kaunggahang ring Peraturan Daerah Provinsi Bali No 1 tahun 2018 sane matetujon antuk kapagehang kawentenan basa, aksara miwah sastra mangda prasida kadadosang jati diri daerah Bali.

Ri sajeroning parikrama nyurat miwah ngwacen aksara Bali wenten uger-uger sane kabaos pasang aksara Bali. Pasang aksara Bali inggih punika uger-uger rikalaning nyurat basa Bali nganggen aksara Bali (Suwija, 2014). Uger-uger punika wenten rangkepan wianjana, kruna lingga tigang kecap, pasang pageh, aksara anceng, pangangge ardasuara, pangangge tengenan, miwah sane lianan (Suwija, 2014). Maosang indik uger-uger nyurat aksara Bali utawi pasang aksara Bali,

pastika sampun makeh sane patut kauratiang. Sinilih tunggil ri tatkala nyurat aksara Bali patut kasurat jajar sambung (Suwija, 2014). Sasuratan punika nenten wenten *spasi* ring krana-krana sakadi ring nyurat *huruf latin*.

Aksara Bali ngranjing tata sasuratan abugida utawi *alfasilabis* (Fedorova, 2013). Wenten taler sujana sane maosang aksara Bali ngranjing silabis (Suwija, 2014). Tata sasuratan abugida madue ceciren inggih punika marupa wanda (ri sajeroning asiki aksara punika kasinahang olih unsur *konsonan* sane madaging *vokal bawaan* marupa *vokal /a/*). Aksara Bali mangkin madue pikobet ri sajeroning panglimbaknyane. Paplajahan aksara Bali punika madue pikobet sakadi sisia rumasa takut, nenten nudut pikayun miwah meweh malajahin aksara Bali (Pasamuhan Agung Basa Bali VIII Daring, 2023). Tata cara sasuratan aksara Bali sane rimbit punika, dahat muatang panelataran utawi panyinahan sane dangan karesepang. Kahanan aksara Bali sane mangkin puniki ngangsan surut kawentenannyane ring krama Bali (Pasamuhan Agung Basa Bali VIII Daring, 2023). Ring para yowanane mangkin sampun keni ius budaya *asing* sane ngawinang para yowanane nenten mapikayun malajahin aksara Bali puniki. Antuk kahanan punika, basa, sastra, lan aksara Bali sampun kaplajahin saking *sekolah dasar* ngantos *sekolah menengah atas* ri sajeroning *mata pelajaran muatan lokal* basa Bali. Usaha-utsaha ngalestariang aksara Bali puniki sampun kalaksanayang, usaha sane sampun kalaksanayang inggih punika kawentenan Pergub Bali No. 80 Warsa 2018 ngenenin indik *Perlindungan dan penggunaan bahasa, sastra, dan Aksara Bali serta Penyelenggaraan Bulan Bahasa Bali* (Pergub Bali Daring, 2018).

Tata sasuratan aksara Bali ngranjing tata sasuratan rimbit manut wangunnyaane taler wenten pabinayan uger-uger manut ring basanyane (Melitis, 2019). Sangkaning karimbitan punika ngawinang paplajahan aksara Bali rumasa suwe kaplajahin. Tata sasuratan aksara Bali sane rimbit nujuang uger-uger sasuratan sane dalem (*deef ortografi*). Ri sejeroning uger-uger tata sasuratan wenten sane kawastanin *ortografi dangkal* inggih punika panyinahan *ejaan bunyi* sane langsung saking uger-uger pangucapan mangda prasida ngucapang krana antuk pinih tepet (Frost&Katz, 1992). Antuk punika *ortografi dangkal (transparan)* taler kabaos *ortografi fonemik* sane madue paiketan sekaa siki ri sajeroning *grafem* miwah

Wenten tetilikan asoroh sane ngenenin indik usaha nincapang kawagedan nyurat aksara Bali inggih punika sakadi Ida Bagus Mas Abdi Putra (2023) sane mamurda "Seseleh *Struktur* Blok Aksara Bali Ri sajeroning Kamus Aksara Bali-Latin". Saking Luh Putu Ayu Widiasih (2023) sane mamurda "Seseleh Pametaan Blok Aksara Bali Ring Sajeroning Sasuratan Wasta Jangkep Sisia SMA Negeri 1 Sukasada". Saking I Kadek Eka Muliana (2022) sane mamurda "Nincapang Kawagedan Nyurat Aksara Bali Nganggen Aplikasi Patik Bali Antuk Model Blended Learning Sisia Kelas VIII SMP Katolik Soverdi". Saking panilikan sane lianan punika madue paiketan santukan mahmabahng indik kawagedan nyurat aksara Bali miwah paiketan indik *fonem* miwah *grafem*.

Kajantenang pabinayan ring tetilikan sane ngenenin indik kawagedan nyurat aksara Bali akehan tetilikan punika mapaiketan sareng *Praktik Tinjauan Kelas* (PTK). Panilik nyelehin punapi pidabdab nincapang kawagedan nyurat aksara Bali manut aspek *pedagogis* sakadi, *media* paplajahan, *metode* paplajahan, miwah sane lianan. Yening ring tetilikan puniki nenten nyelehin manut *aspek* punika, nanging sane katilikin punika indik kawagedan nyurat aksara Bali sisia madasar antuk kawagedan sisia *memetakan* paiketan *fonem* miwah *grafem* ipun. Pabinayan sane lianan punika, yening tetilikan lianan data punika kapolihang saking kamus lan wastan jangkep sisia, nanging yening tetilikan sane jagi kamargiang puniki nganggen *metode tes* sane kalaksanayang ring sisia, saking punika kapolihang data marupa sasuratan *kosakata dasar* aksara Bali.

Kantos mangkin nenten wenten tata cara *ngukur* kawagedan nyurat aksara Bali nganggen seseleh *fonem-grafem* antuk *kosakata dasar*. Sane sampun kauningin indik aksara Bali madue tata sasuratan inggih punika iraga patut nilikin aksara bali pangweruh saking *linguistik*. Antuk punika panilikan puniki patut kalaksanayang anggen nyarca kawagedan utawi pangresepang nyurat aksara Bali antuk nguratiang subleksikal majeng ring soang-soang kruna ring sisia SMP Negeri 4 Kuta Selatan mangda prasida ngicen gegambaran literasi dasar sisia antuk *kosakata* sane pinih kauningin ring sajeroning kahuripan sadina-dina inggih punika *kosakata dasar*. Panilikan puniki nenten kamargiang ring SD santukan ring SD makehan durung wenten guru Basa Bali sane *khusus* nika ngawinang para sisia SD nenten uning wangun aksara Bali. Antuk punika panilik meled ngauningin sapunapi kawagedan

sisia SMP Negeri 4 Kuta Selatan nyurat *kosakata dasar* maaksara Bali nganggen seseleh *fonem-grafem*.

1.2 Ngrereh Pikobet

Manut saking dadalan pikobet sane wenten ring ajeng, wenten makudang-kudang pikobet sane sampun kapanggihin, punika mawinan dasar pamargin tetilikan puniki, inggih punika: (1) kawentenan aksara Bali sane rumasa meweh kaplajahin, (2) Tata sasuratan aksara Bali sane rimbit miwah mabinayan sareng *huruf latin* sane dados basa kapertama, (3) Kawentenan sisia sane durung waged nyurat aksara Bali, (4) Durung wenten pangweruh ngenenin indik *fonem-grafem* miwah *transparansi* ri sajeroning paplajahan aksara Bali ring sekolah.

1.3 Ngwatesin Pikobet

Ring tetilikan puniki, pikobet sane kapanggihin sampun kawedar ring ajeng punika jagi kawatesin olih panilik. Pikobet punika kawatesin riantukan kabanda antuk galah taler mangda prasida ngicenin galah majeng ring panilik sane lianan mangda prasida nyangkepin tetilikan puniki mangda prasida paripurna kanton kawentenan parindikan sane lianan. Malarapan antuk punika, pikobet sane pacang katelebin ring tetilikan puniki inggih punika kawagedan sisia SMP Negeri 4 Kuta Selatan nyurat *kosakata dasar* maaksara Bali, miwah kadaleman *ortografi* ri sajeroning *literasi* dasar maaksara Bali sisia ring SMP Negeri 4 Kuta Selatan nganggen 100 *kosakata dasar*.

1.4 Bantang Pikobet

Malarapan saking dadalan pikobet sane sampun katlatarang ring ajeng, kapolihang bantang pikobet sane mapaiketan sareng tetilikan puniki. Inggih punika sakadi ring sor:

1. Sapunapi kawentenan *fonem* basa Bali ring sasuratan *kosakata dasar* maaksara Bali Sisia SMP Negeri 4 Kuta Selatan?
2. Sapunapi kawentenan *grafem* aksara Bali ring sasuratan *kosakata dasar* maaksara Bali Sisia SMP Negeri 4 Kuta Selatan?
3. Sapunapi kawagedan Sisia SMP Negeri 4 Kuta Selatan nyurat *kosakata dasar* maaksara Bali manut seseleh *fonem-grafem*?

1.5 Tetujon

Malarapan antuk dadalan pikobet ring ajeng punika, atujon sane kapolihang saking tetilikan puniki sakadi:

1. Mangda prasida mahbahang kawentenan *fonem* basa Bali ring sasuratan *kosakata dasar* maaksara Bali SMP Negeri 4 Kuta Selatan.
2. Mangda prasida mahbahang kawentenan *grafem* basa Bali ring sasuratan *kosakata dasar* maaksara Bali sisia SMP Negeri 4 Kuta Selatan.
3. Mangda prasida uning kawagedan sisia SMP Negeri 4 Kuta Selatan nyurat *kosakata dasar* maaksara Bali nganggen seseleh *fonem-grafem*.

1.6 Kawigunan Tetilikan

Kawentenan tetilikan puniki kaaptiang mangda prasida ngicenin kawigunan majeng ring sang sane ngwacen. Kawigunan tetilikan puniki kakepah dados kalih kawigunan, inggih punika: (1) Kawigunan pamucuk miwah (2) Kawigunan panglimbak.

1.6.1 Kawigunan Pamucuk

Kawigunan pamucuk ring tetilikan puniki madue kawigunan ri sajeroning paweweh antuk pangweruh indik nyurat aksara Bali miwah paweweh indik uger-uger sasuratan ri sajeroning *literasi* dasar maaksara Bali.

1.6.2 Kawigunan Panglimbak

Kawigunan panglimbak puniki kawigunan sane kaaptiang prasida ngicenin pangresepahan kaweruhan majeng ring sang sane ngwacen miwah panilik. Kawigunan panglimbak ring tetilikan puniki sajangkepnyane:

a. Majeng ring sisia

Tetilikan puniki mangda prasida ados *evaluasi* majeng sisia SMP Negeri 4 Kuta Selatan saking nelebin kawagedan nyurat aksara Bali.

b. Majeng ring guru bahasa Bali

Pikolih saking tetilikan sane kamargiang puniki kaaptiang mangda dados evaluasi majeng ring guru, nenten wantah guru sane wenten ring jenjang SMP nanging majeng ring guru samian tingkat

satuan pendidikan. Kawentenan pikolih saking tetilikan puniki mangda prasida kaanggen evaluasi mangda usaha guru nincapang pangresep sisia ri sajeroning waged rikala nyurat aksara Bali prasida sayan nincap.

c. Majeng ring pangurati Basa Bali

Tetilikan puniki sumangdena dados wacana sane prasida nincapang pangweruh indik malajahin aksara Bali antuk kawagedan nyurat aksara Bali miwah pangweruh uger-uger sasuratan saking *literasi* dasar maaksara Bali.

d. Majeng ring panilik sane lianan

Majeng ring panilik sane lianan sane nilikin indik aksara Bali, kaaptiang mangda tetilikan sane kamargiang puniki pikolihnyane mangda prasida dados *referensi*. Tetilikan puniki mangda dados *referensi* anyar majeng ring panilik lianan sane meled jagi nilikin basa Bali utamanyane aksara Bali.

